

三家醫案

傍柳書屋



王
家
醫
案
合
刻



合
笠澤吳子

三
音氏彙纂



南京中醫藥大學圖書館版權所有

醫書自靈素傷寒金匱外歷代名賢著述汗牛充棟求其能續軒岐一脈繼往開來有益於世者余未數覩何也蓋其故有二一則泥古不化隨文敷衍辭多害義致使先聖片言舉要一隅三反之旨晦而難明後學反因之而有他歧之惑一則師心自用妄詡聰明好奇好僻以無稽之言迷惑後世自欺欺人流毒無窮故書愈多理愈晦遂成千古絕傳之學深可憫焉我



朝廓清寰宇軫念民瘼爰採海內遺書刪繁訂誤去

僞存真

御製金鑑一書頒示天下集醫學之大成予生民以多福

從此山岷海澨莫不引繩削墨學有指歸名賢輩

出羣登仁壽皆

聖天子深仁厚澤所致也吾吳葉天士先生當時爲十全
之醫四方求治者戶履常盈惜著作甚少雖有指
南一書行世然總以未窺全豹爲憾余自留心斯



道訪求先生遺編往來胸中者已二十餘年矣
卯春同門徐子雪香過草堂談及先業師翁春巖
有抄藏先生醫效秘傳三卷余聞之而喜急索徐
子副本讀之前二卷辨別傷寒後一卷摘擇經旨
申明脈要法取應驗理貴簡明不泥古不好奇真
如月印千潭只是一月非學有本原何能臻此因
與同志者重爲校讎付諸梨棗以廣其傳讀是書
者勿以平易近情而忽之其妙正在平易近情中



也

道光辛卯夏四月笠澤後學吳金壽撰



北京中医药大学图书馆版权所有

同校姓氏

慈溪茅春潮曉江

平湖陸增秋山

嘉興姚逢申藹若

長洲潘遵復省堂

同里韋光猷君繡

吳縣蔣鑒雲裁

吳江陳希恕夢琴



南京中医药大学图书馆版权所有

陳貢鏤艮生

潘慶瀾小愚

同邑周之冕一滄

凌 鋒礪菴

沈清華蓮溪

徐梅生雪香

姪壻王寶書友杉

門人凌 銘又新



南京中醫藥大學圖書館版權所有
1994

姪

元丙寄吾

渙右岑

汝豐右厓



南京中医药大学图书馆版权所有

三家醫案合刻

葉桂天士著

後學吳金壽子音纂

粵東地卑多濕。陽氣多泄。宦遊十載。恰已五旬。中年二
炁。不及壯盛堅固。眩暈汗出。乃陽不潛藏。變化內風。擾
動虛靈所致。內經藏象。謂腎爲根本。左右有二。蓋一陰
一陽。互相交紐。水中有火。爲生生化育。惟藏畜不露。斯
永年無病。而肝爲腎子。母氣既衰。水不生木。肝屬風藏。
內風乘龍雷相火。迅速飛騰。陡升莫制。每慮仆中之累。



南京中醫藥大學圖書館版權所有

是皆內因之症自述熱起脊背直至巔頂清之補之無效未究藏陰內乏陽氣獨升之旨古人以腎藏內寓真陽非溫不納肝藏內寄相火非清不寧用藥之法填實精氣以固其下佐鹹味以達之兼氣重以鎮之介類以潛之酸味以收之復入滋清以涼肝引之導之浮陽內風勿令鼓動

熟地

北五味子

萸肉

磁石

青鹽

瑣陽

龜板

茯神

湘蓮

天門冬

猪脊筋搗爛和蜜丸熱酒送

經漏百日淋帶不止是衝任督帶奇經諸脈不能固攝
病在下焦脈左關沉微而緩右部虛浮陽升於上陰虧
於下然先以血凝成塊決非血熱妄行況食減味少胃
氣孱憊補中益氣僅升脾營焉得藥到病所滋陰堵塞
沉膩與胃衰少穀相背考古崩漏不止先用局方震靈
丹直達衝任以固之繼用人參湯續其生氣得效再爲



南京中醫藥大學圖書館版權所有

進商

震靈丹

診脈百至數促而芤勞損數年不復寒熱大汗泄越將
及半載臥枕嗽甚起坐少緩穀食大減大便不實由下
焦損傷衝脈之氣震動諸脈皆逆醫投清熱理肺降氣
消痰益令胃氣戕害昔越人有下損過脾不治之訓此
寒熱汗出一氣不交所致秋半之氣不應天氣肅降乖
離已見一班生陽不發入冬可慮急固散越之陽望其

淋濁少間則又膝脛腫痛不能行及來診時脈象左弦數右搏而長而沈紫而時時作嘔靜思其故從前紛紛之病全一邪也均為三病次第纏綿耳由上而下由下而至極下因根本久撥之體復蒸而上為胃病是腎胃相關之故也倘不稍為戢除一二但取回陽返本竊恐劍關苦拒而陰平非復漢有也謹擬一法略効丹溪未識何如。

羚羊角

木瓜

酒炒黃柏

伏龍肝

生米仁

橘紅

馬料豆

癰勞得愈如麟毛兔角或叩之瓊臺丹扇間求金光
葉庶幾脫然

小建中湯

脈象右三部洪數絃急並現左上數中緊先患陽精不
升次及於陽絡不固蓋至陰生陽不屯失精爲先天至
陽出陰失蒙吐紅爲後天是有形始兆之後復現先後
天俱病卽稟至真有餘之軀亦不足以供其漸耗今將



南京中医药大学图书馆版权所有

投味厚入陰者乎抑投味薄清陽者耶竊恐山川草
皆不足以還返金品莫妙夫大藥金丹週天火候耳
又不可不以服食之方佐之擬候尊師全訂終慙布鼓
希諒之

建蓮肉

一觔帶心撲如麻子大飯上蒸曬九次爲末

麥冬肉

一觔

嫩荷葉

半觔

頂生地

四兩

金櫻子

去毛半觔

以前四味熬膏全蓮肉粉杵爲丸秋石湯送五錢

抑鬱頓挫侘僚無聊心乃偏倚廿二官皆無主則陰氣